



Broj: 05/2-11/3-1573/24

Velika Kladuša, 10.09.2024. godine

Na osnovu člana 70. i člana 69. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 5. i 8. Pravilnika o uspostavljanju i radu komisije za nabavke („Službeni glasnik BiH“, broj: 103/14) i člana 43. Statuta Općine Velika Kladuša („Službeni glasnik Općine Velika Kladuša“, broj: 12/11), u predmetu konkurentskog zahtjeva za nabavku i postavljanje opreme na dječijem igralištu u donjem dijelu gradskog parka u Velikoj Kladuši, a po preporuci Komisije za javne nabavke, Općinski načelnik Općine Velika Kladuša, donio je

ODLUKU
o dodjeli ugovora

1. Prihvata se ponuda ponuđača **ISTRACOM d.o.o. Sanski Most, sa konačnom cijenom od 29.885,00 KM bez PDV-a**, dostavljena Ugovornom organu po JN broj: 299-7-1-22-3-42/24 od 16.08.2024. godine, te se Ugovor o javnoj nabavci i postavljanju opreme na dječijem igralištu u donjem dijelu gradskog parka u Velikoj Kladuši, dodjeljuje imenovanom ponuđaču.

2. Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora koji reguliše međusobna prava i obaveze vezane za predmetnu nabavku shodno zahtjevima Ugovornog organa navedenim u tenderskoj dokumentaciji i propisima koji regulišu postupke ugovaranja.

3. Ova Odluka objavit će se na službenoj web stranici Općine Velika Kladuša, u skladu sa članom 70. Zakona o javnim nabavkama BiH („Službeni glasnik BiH“, broj: 39/14, 59/22 i 50/24).

O b r a z l o ž e n j e

Na osnovu Posebne odluke o pokretanju postupka javne nabavke kojom se mijenja Plan javnih nabavki Općine Velika Kladuša za 2024. godinu, broj: 05/2-11/3-889/24 od 17.04.2024. godine, pokretnut je dana 14.08.2024. godine postupak javne nabavke i postavljanja opreme na dječijem igralištu u donjem dijelu gradskog parka u Velikoj Kladuši.

Javna nabavka provedena je putem konkurentskog zahtjeva za dostavljanje ponuda, a kao kriterij za dodjelu ugovora odabrana je najniža cijena tehnički zadovoljavajuće ponude. U skladu sa članom 35. Zakona o javnim nabavkama BiH („Službeni glasnik BiH“, broj: 39/14, 59/22 i 50/24) Obavještenje o javnoj nabavci broj: 299-7-1-22-3-42/24 objavljeno je na Portalu javnim nabavki (ejn.gov.ba), dana 16.08.2024. godine.

Krajnji rok za dostavljanje ponuda bio je 02.09.2024. godine do 12:00 sati, a javno otvaranje ponuda izvršeno je 02.09.2024. godine u 12:15 sati, što je konstatovalo Zapisnikom sa otvaranja ponuda od 02.09.2024. godine. Procijenjena vrijednost nabavke iznosi 29.915,00 KM.

Komisija za javne nabavke u Zapisniku o pregledu i ocjeni ponuda broj: 05/2-11/3-1573/24 od 04.09.2024. godine konstatovala je da je Tendersku dokumentaciju preuzelo 10 (deset) ponuđača, a da su nakon isteka krajnjeg roka za dostavljanje ponuda pristigle 2 (dvije) ponude i to:

1. ISTRACOM d.o.o. Sanski Most, sa ponuđenom cijenom od 29.915,00 KM bez uračunatog PDV-a i
2. FLEX INVEST d.o.o. Sarajevo, sa ponuđenom cijenom od 29.900,00 KM bez uračunatog PDV-a.

Nakon izvršenog otvaranja ponude Komisija je pristupila analizi dokumentacije priložene uz ponude u smislu njihove validnosti, obzirom na iskazane zahtjeve Ugovornog organa u Tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim Tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Analizom dokumentacije dostavljene uz ponude Komisija je utvrdila da ponude oba ponuđača ispunjavaju formalno-pravne i tehničke zahtjeve Ugovornog organa, te su kao takve prihvatljive i mogu biti predmet vrednovanja u sistemu e-aukcije. E-aukcija koja je predviđena u ovom postupku nabavke zakazana je za 09.09.2024. godine. Uvidom u Izvještaj o toku i završetku e-aukcije od 09.09.2024. godine utvrđeno je da je ista trajala od 11:00 do 11:10 sati, te da je konačna rang lista ponuđača koji su učestvovali u e-aukciji slijedeća:

1. ISTRACOM d.o.o. Sanski Most, sa konačnom cijenom od 29.885,00 KM bez PDV-a i
2. FLEX INVEST d.o.o. Sarajevo, sa konačnom cijenom od 29.900 KM bez PDV-a.

Shodno naprijed navedenom utvrđeno je da je ponuda ponuđača ISTRACOM d.o.o. Sanski Most, sa konačnom cijenom od 29.885,00 KM bez PDV-a, najprihvatljivija i najpovoljnija za Ugovorni organ, te je Komisija u Izvještaju o radu Komisije nakon e-aukcije od 10.09.2024. godine predložila Općinskom načelniku donošenje odluke o izboru ponude ponuđača ISTRACOM d.o.o. Sanski Most, kao najpovoljnije za predmetnu nabavku.

Cijeneći navedeno, na osnovu odredaba Zakona o javnim nabavkama BiH, odlučeno je kao u dispozitivu Rješenja.

UPUTA O PRAVNOM LIJEKU: Svaki ponuđač koji ima legitiman interes za konkretan Ugovor o javnoj nabavci i koji smatra da je Ugovorni organ u toku konkretnog postupka dodjele ugovora prekršio jednu ili više odredbi Zakona o javnoj nabavci BiH ima pravo uložiti žalbu u roku od 5 (pet) dana od dana kada je primio Odluku, odnosno Obavještenje o dodjeli Ugovora. Žalba se podnosi Ugovornom organu, kao prvostepenoj instanci u žalbenom postupku, u tri primjerka direktnom predajom kod Ugovornog organa ili preporučenom poštanskom pošiljkom.



OPĆINSKI NAČELNIK
Fikret Abdić, dipl.ing.

DOSTAVITI:

1. Učesnicima u postupku – 2x,
2. Služba za upravu, društvene djelatnosti i zajedničke poslove (web stranica),
3. U spis,
4. a/a.